

Htawm tem' Yakop'

¹ Htawm ti ok' aen' na ko', meuh ui' Yakop' meuh mhai' Eun Peucawo' mae' mhai' Eun Yesu' Hkrit,

ui' tem' ri tuil' a ri peue I'sarela' kul'leual' ceu puin' ri heul' ut' mae' peue ceu seubu na' pe'.

Hk'a'yum' mae' cu'yi

² Ec'awng' ui' na' pe', yam hk'eup' pe' ku' cop'long heun' ceu na', sawn' a meuh ku' ren'kawn reu'. ³ Kopti tup yawng pe' ku' cop'long hk'a' yum' pe' na', yeuh a pe' gawm cang yeun'hkam. ⁴ Punta kaw pe' keuting htonnuk un' laee cut yawm' saec' ti ceu na', yeun'hkam a rot tisut' ka reu'. ⁵ Hk'a'naee pe' ti ri peue a'nhaw' lawn cu'yi un' nuk ko', hk'o' a ri Peucawo' Cawo' cang tuil' ri peue ri hpum' vah ri un' cang is' na' Eun reu', kaw eun pun a. ⁶ Daecti yam hk'o' eun na', eun kaw kah ri yum', un' laee hpum' kuit teh' kuit nung'. Kopti a'nhaw' lawn kuit teh' kuit nung' ko', a seun' ba leuum' ka mha'seumut' na', a hot' guil' na' heul'heul' ing'ing'. ⁷ Peue awn' eun ko', pawlaee kuit kaw ri pun ku' ti ri ceu ri Peucawo' Eun. ⁸ Meuh eun peue hpum' heun'. Eun hpum' un' keutawn' hk'a'naee ku' yeuh ri na' ce ku ceu ka.

⁹ Ec'awng' meuh peue htan tem na' pe' htuk' ri nyu htan ut' ri na' lhung' hit' hpum' ri. ¹⁰ Daecti peue meuneum na' ce htuk' ri nyu htan ut' ri na' tem hit' hpum' ri, kopti kaw ce pun ri rai' heul' seun' peutai rip na'. ¹¹ Kopti yam seunyi na' puc a ri na', kuc' ka na' a tat' rip na' fit' hk'oh' heul', peutai ka na' a ku rum' hk'ui'c', ngam ka na' a rai' heul'. Seun' awn' na, peue meuneum na' ce kaw rai' heul' yam buih yeuh ce kan' ri na'.

Ku' cop'long

¹² Mun' keuting ri peue cang yeun'hkam yam hk'eup' eun ku' cop'long na', kopti hawc' eun hkam' pe ri ku' cop'long na', eun kaw pun cui'maw hk'il' civit ku' Peucawo' tuil' Eun kati ri peue leumeus' Eun na' ce.

¹³ Yam hk'eup' pe' ku' cop'long na', pawlaee lah' "Peucawo' Eun cop'long ri." Kopti ku' rai na' hpaw a ca' cang cop'long Peucawo' Eun. Peucawo' Eun ku hkuin' cop'long a'nhaw' yeut, ¹⁴ daecti ta'nhá' rai ce na' meun a va ce heul' vang cop'long na'. ¹⁵ Ta'nhá' na' nyhel' a map' na' a keut' a. Map' na' a tawl' keuting, a keut' yeum na'.

¹⁶ Ec'awng' leumeus' ui' na' pe', pawlaee tuil' peue chí'lai Peucawo' Eun cop'long pe'. ¹⁷ Lapsawng' chak' htonnuk na' gawm'euc' lih a neum pang lhung', neum A'kuiing' ka ku' ceng' pang maó' na' Eun. Eun hkuin' leuploh' plin' ri seun' a'lawng na' leuploh' plin' a ri. ¹⁸ Punta kaw e' meuh pli' nanggal' ka ku' hpanpleng' Eun na' gawm'euc' ka, Eun leuk e' keut' ri meuh kon' ri ri leukah' leupaws seumeu' na'.

Leuceng ri hot' ri yeuh

¹⁹ Ec'awng' leumeus' ui' na' pe', yeuh ri yawng lawng aen' na ku peue ri reu', yeuh ri hpai' ri leuceng, koekoe leukah', koekoe seungeueng'. ²⁰ Kopti seungeueng' peulel peue na', un' cang yeuh ka a'yu leupaws seumeu' ku' htuk' hpum' Eun Peucawo' na' pucti lih. ²¹ Kop awn' na, tec ku' hk'aw'jeuk gawm'euc' na' mae' ku' rai kue' heun' na' ce reu'. Hawc' ko', hk'a'naee hpum' onawn' pe' na', rap ri ti leukah' mun' ku' jheum' ri hk'a'naee pe' ku' cang teum'kawm htut civit pe' lawtpon pun na' reu'.

²² Pawlaee leuceng hk'o'hk'awng' leukah' mun na' palkoe. Yeuh keutit' na', meuh a nang chí'lai tu' ri meun. Daecti hot' ri yeuh ku' lah' ka na' reu'. ²³ A'nhaw' lawn

pun ri mhawng' leukah' mun' ren'kawn na' daecti un' hot' ri yeuh a ko', seun' eun peue nom' buh ri nang vaen ko'.
²⁴ Hawc' nom' eun ri na', eun pucti heul'. Buh eun na' a yeuh sa'nhaw', Eun keulawn' pil a. ²⁵ Daecti a'nhaw' lawn kuit ri nawk leukah' ritroe htonnuk ku' tuil' hk'a' lawtpon na' hawc' ko' eun un' pil ku' mhawng' ri na' eun suip ri hot' ri yeuh a ko', eun kaw pun mun' ri ku' yeuh ri na'.

²⁶ A'nhaw' lawn kuit ri tam' mun' tam' sin' ri reng meun daecti un' u'peung dak' ri pun meulamlam ko', eun chi'lai tu' ri meun. Tam' mun' tam' sin' eun na' a meuh ku' hk'o'hk'awng'. ²⁷ Tam' mun' tam' sin' ku' Kuing' Peucawo' e' rap Eun ri ti na' a meuh ku' seunga' chak' mae' ku' un' kue' vang ri na' meuh ka roksa' kon' due' mae' a'ya seunao ku' pun ri hkam' ku' tukhka na', mae' roksa' tu' ri un' va ku' hk'aw'jeuk ka bhen' keute' na' pit ri na'.

2

Pawlaee keue' ri buh peue

¹ Ec'awng' ui' na' pe', kopti meuh pe' peue yum' Cawo' Yesu' Hkrit munhpung' keuting e' na' Eun na', pawlaee keue' ri buh peue. ² U'hpama ri ko', peue cuip' plok' ti' hk'il' cuip' hk'eung chak' ngam na' eun ing' ri vang hk'om pe' na', mae' peue hk'o'tukyak cuip' hk'eung un' ngam na' eun ku ing' ri vang hk'om pe' na', ³ pe' lawn keue' ri ku' cuip' hk'eung chak' ngam na' eun, pe' ti eun seucen, pe' lah', "Mok' ri vang mok' chak' aen' na reu'", daecti pe' lah' a ri peue hk'o'tukyak na' eun, "Ing' cawng teh'", a'ko' "Ing' mok' keunam cung ui' na' reu'", ⁴ pe' gvah htan peue, pe' taws' a'mu ri peue mae' kamkuit un' leupaws seumeu' na', un' meuh ka aw?

⁵ Ec'awng' leumeus' ui' na' pe', leuceng a meulamlam, Peucawo' leuk Eun ri ti peue bhen' keute' hk'o'tukyak na' ce kaw meuh peue meuneum hk'a'naee hk'a' yum' na',

mae' kaw ce rap ri ti sin' ka kuing' yeuh Eun kati ri peue leumeus' Eun na' ce, un' meuh ka aw? ⁶ Daecti pe' hpawt' ri ti peue hk'o'tukyak na' ce seuyung'. Peue meuneum na' meuh ce nang keunhap' pe', un' meuh ka aw? Un' meuh ka ce aw ku' teuk' yat pe' heul' taws' a'mu nang sa'nam' na'? ⁷ Un' meuh ka peue awn' ce aw ku' un' nawpsang ri muis chak' Eun Peucawo' pe' na'?

⁸ Pe' lawn yeuh a hot' leukah' ritroe Eun Peucawo' tem' ri nang htawm Seunga' lah' ri yeuh keutit' na', "Leumeus' peue ut' keunam caonao' mi na' ce seun' leumeus' mi tu' ri na' yeut reu",* neumneum ka na' ko', ku' yeuh pe' na' cawp' ka hawc'. ⁹ Daecti pe' lawn keue' ri buh peue ko', yeuh pe' map'. Mae' meuh pe' peue yeuh kleuc' ri leukah' ritroe na', leukah' ritroe na' a ku taws' a deut hawc'. ¹⁰ Kopti a'nhaw' saec' hot' ri yeuh leukah' ritroe na' htonnuk gawm'euc' ka, daecti eun lawn yeuh kleuc' a ti ceu yawo ko', eun ku kleuc' a gawm'euc' ka. ¹¹ Kopti Peucawo' lah' Eun a, "Pawlaee len'cu",† Eun ku lah', "Pawlaee toh peue."‡ Kop awn' na mi saec' un' len'cu, daecti mi lawn toh peue ko', mi meuh peue yeuh kleuc' ri leukah' ritroe na'.

¹² Ku' lah' ku' yeuh pe' na' yeuh pe' cang tukyak seun' meuh pe' peue kaw pun ri hkam' hk'a' taws' a'mu ri leukah' ritroe ku' tuil' hk'a' lawtpon na' reu'. ¹³ Kopti peue un' cang tukyak na' kaw eun pun ri hkam' hk'a' taws' a'mu ka un' cang tukyak na'. Hk'a' cang tukyak na' pe a hk'a' taws' a'mu na'.

Hk'a' yum' mae' yeuh ku' chak'

¹⁴ Ec'awng' ui' na' pe', a'nhaw' saec' yum', daecti eun lawn un' yeuh keunhaw' na' pucti lih ko', a ci' kaw kue'

* **2:8** 2:8 Fae' 19:18 † **2:11** 2:11 Puc ri heul' 20:14; Saw'n leukah' mun' 5:18 ‡ **2:11** 2:11 Puc ri heul' 20:13; Saw'n leukah' mun' 7:17

peuehot' keunhaw'? Hk'a' yum' awn' na, kaw a cang teum'kawm htut eun lawtpon pun aw? ¹⁵ U'hpama ri ko', ec'awng' ti ri peue eun lawn un' kue' hk'ohk'eung, un' kue' ku' hk'a' pun ti seunyi hawc' ti seunyi, ¹⁶ hk'a'naee pe' ri ti ri peue eun lawn lah' a ri heun, "Kah mi kuit sam'ran ing' reu'. Yeuh tu' mi seueul' mae' hk'a' ri sak' reu'", daecti eun lawn un' tuil' ku' sum' lo' eun na' ri heun ko', a ci' kaw kue' peuehot' keunhaw'? ¹⁷ Seun' awn' na, kue' yawo pal hk'a' yum', daecti un' yeuh keunhaw' a pucti lih ko', meuh a hk'a' yum' yeum.

¹⁸ Daecti pe' ri ti ri peue pe' kaw lah', "Kue' mi hk'a' yum', uí' kue' ku' yeuh pucti lih." Daecti kaw uí' lah' a ri pe', "Tuil' uí' nawk hk'a' yum' un' yeuh keunhaw' a pucti lih mi na' reu', kaw uí' tuil' mi nyu hk'a' yum' uí' na' ri ku' yeuh uí' pucti lih na'." ¹⁹ Yum' mi Peucawo' meuh Eun ti peue yawo na' chak' ka. Saec' meuh seuca' na' a ku yum' yeuhko' yeut. A lhat' keuyuing'.

²⁰ Peue un' cang kuit ri nawk na' pe', sum' nyu pe' sa'hki' ka hk'a' yum' ku' un' yeuh keunhaw' a pucti lih na' a un' kue' peuehot'§ na' aw? ²¹ Peucawo' sawn' Eun a'ta' keuting e' Abraham eun meuh peue leupaws seumeu' na' meuh a kopti ku' yeuh eun pucti lih yam tan eun kon' ri I'cak' eun hk'a' pang vang dum ri tan ku' tan na', un' meuh ka aw? ²² Pun pe' ri nyu a hawc', hk'a' yum' eun na' mae' ku' yeuh eun pucti lih na' yeuh a kan' tiduih' hot' puri heul'. Hk'a' yum' eun na' a pun ri htonnuk ri kopti ku' yeuh eun pucti lih na'. ²³ "Kopti Abraham yum' eun Peucawo' Eun na', Peucawo' Eun sawn' eun meuh peue leupaws seumeu'",* a htonnuk ri leukah' htawm Seunga' aen' na. Peue ku lah' eun meuh a'mawo Eun Peucawo' yeut. ²⁴ Kop awn' na pun pe' ri nyu a hawc', peue sawn' ri meuh peue leupaws

§ 2:20 2:20 Nang htawm Seunga' na' ngon', a lah', "a yeum" * 2:23 2:23
Yamla 15:6

seumeu' na' eun meuh a kopti ku' yeuh eun pucti lih na', a hkuin' meuh kopti hk'a' yum' eun na' palkoe.

²⁵ Seun' awn' na, saec' meuh Raha' beun' paing' tu' ri na' eun ku pun ri sawn' ri meuh peue leupaws seumeu' kopti meuh a ku' yeuh eun pucti lih na', un' meuh ka aw? Eun tuil' peue htom' jem' na' ka is' vang ut', cus' ka heul' hk'a' tawk seubu.† ²⁶ Seun' tu' na' a lawn un' kue' civit ko', a yeum, hk'a' yum' na' a lawn un' yeuh keunhaw' a pucti lih ko', a ku yeum yeut.

3

Dak'

¹ Ec' awng' na' pe', pawlaee va ri meuh seura' heun' peue, kopti tup yawng pe' seura' na' kaw ce pun ri hkam' hk'a' taws' a' mu reng na' hk'ai' peue un' meuh seura' na' ce. ² E' ri ku peue yeuh kleuc' e' ri hk'a' heun' ceu. Peue un' duing kleuc' ri hk'a' leukah' leupong na' meuh eun peue htonnuk chak'. Eun cang u' peung pe tu' ri na' gawm' euc'.

³ Punta kaw e' pe reng ka rawng na', e' klong moeng ka na' ri mu' lhec' na'. E' gloh' a, a heul' gawm' tu' ri hk'a' sum' kah e' a heul' na'. ⁴ A' ko', keue' ri reu sanghpaw na' reu'. A saec' keuting, a saec' kah ri heul' mae' guil' keuting na', daecti a kue' seubal' aet' ri seuta' ka na'. Cawo' reu na' eun hpawt' seubal' aet' ri seuta' ka na', a heul' hk'a' sum' kah eun a heul' na'. ⁵ Dak' na' a ku seun' awn' a yeut. A meuh hk'eung aet' hk'a' naee tu' e' na', daecti a cang eo' ri lah' leukah' lhung' leukah' keuting na' ce. Keue' reu', a' tep' ngawl aet' na' cang ha' ka hk'i keuting na'. ⁶ Dak' na' seun' a ngawl. Dak' na' meuh a kuing' ka ku' rai ka hk'eung hk'a' naee ka jawngkui' tu' na'. A yeuh jawngkui' tu' na' hk'aw' jeuk gawm' euc' ri. A yeuh a' yu na' ha' gawm' euc', keutong' nyarok na' a ha' dak' na'.

† 2:25 2:25 Yaw'su' 2:1-22; 6:23

⁷ Sat' na' ku ceu, sim', sat' muilmal sat' leun ri na' maeé sat' ut' nang leuum' na' peue cang yeuh a o', peue ku yeuh a o' hawc'. ⁸ Daecti a'nhaw' hkuin' cang yeuh dak' na' o' pun. Dak' na' a seun' sat' ku' un' cang ut' dit' ri. A kue' pit yeuh a'yu lu na' nuknhen'.

⁹ Suk'seun' e' Peucawo' Eun maeé A'kuiing' e' na' Eun ri dak' ri na', peue Peucawo' hpanpleng' Eun seun' ruprang ri na' ce, e' ku lo' dak' ri na' jha' ce ri ka. ¹⁰ Leukah' suk'seun' na' maeé leukah' jha' na' a pucti lih neum moeng ti keutui' na'. Ec'awng' ui' na' pe', pawlaee kah a yeuh keutit'. ¹¹ Leuum' nyum na' maeé leuum' sawng' na' kaw a cang pucti lih neum ti keutui' yawo aw? ¹² Ec'awng' ui' na' pe', kleum' pli' keutuic na' cang pli' ka pli' sanlon aw? A'ko', nhul' pli' bui na' cang pli' ka pli' keutuic aw? Seun' awn' na ko', keutui' ka leuum' sawng' na' a hkuin' cang lih leuum' nyum.

Cu'yi lih neum pang mao'

¹³ Hk'a'naee pe' ri, a'nhaw' ci' heng'laet' cang yawng ri pe'? Kah eun yeuh a pucti lih hk'a'naee vang a'yu im' chak' eun na' maeé hk'a'naee ku' yeuh eun ri hpum' onawn' ri ku' lih neum peuyha' cu'yi eun na' reu'. ¹⁴ Daecti pe' lawn hpum' sui' kleh'klai' ri hkoe'mang' ri peue maeé kuit yawo pun tu' ri na' palkoe na' ko', pe' na' pawlaee suk'seun' meun ri kue' cu'yi maeé htu'hting' leukah' leupaws seumeu' na'. ¹⁵ Cu'yi yeuhki' na' hpaw a ca' meuh cu'yi lih neum kuing' pang mao', daecti a meuh cu'yi ka bhen' keute', nham' keune maeé seuca' rai na'. ¹⁶ Kopti tawngnhaw' na' a lawn kue' ku' hkoe'mang' peue maeé ku' kuit yawo pun tu' ri na' palkoe na' ko', mawn' na' a ku kue' ku' suksak maeé yeuh ku' rai ku ceu na'.

¹⁷ Daecti cu'yi lih neum kuing' pang mao' na' ko', nanggal' ka na' seunga' chak', hawc' ko', leumeus' hk'a'

cumyen', hpum' lec puri, leuceng leukah' puri, tuckyak ri puri mae' pli' chak' htonnuk, un' keue' ri buh peue mae' un' mo' hpum' ri. ¹⁸ Hk'a' cumyen' na' a seun' ku' seumal. Peue puin' hk'a' cumyen' na' kaw eun pun ri vuic pli' leupaws seumeu' na'.

4

Yeuh a'mawo bhen' keute'

¹ A ci' meuh kop keunhaw' hk'a'naee pe' ri, pe' vae' peue'ng suik' ri puri mae' kleuc' leumeul puri? Ceu nang aen' ce puc a ri lih neum kopti ta' nha' kue' hk'a'naee pe' na' peue'ng a puri na', un' meuh ka aw? ² Sum' is' pe', daecti pe' un' pun. Pe' toh peue, pe' sum' is' is' peue na'. Pe' un' pun ku' sum' is' ri na', pe' kleuc' leumeul puri, peue'ng suik' ri puri. Kopti un' hk'o' pe' ri Peucawo' Eun na', pe' un' kue'. ³ Yam hk'o' pe' pe' un' pun na', meuh a kopti hk'o' kleuc' pe'. Pe' hk'o' pal pun ku' kaw hit' hpum' ri na'.

⁴ Peue kati un' keutawn' ri Peucawo' Eun na' pe', a'nhaw' lawn yeuh a'mawo ka bhen' keute' na' ko', meuh eun ransu ri Peucawo' Eun, un' yawng pe' a aw? Kop awn' na, a'nhaw' lawn leuk ri yeuh a'mawo ka bhen' keute' na' ko', meuh eun ransu ri Peucawo' Eun yeut. ⁵ Ku' tem' ri nang htawm Seungá a lah', "Civit Peucawo' seue' Eun hk'a'naee e' na', sum' kah Eun a meuh is' ti palkoe", hteum' pe' a tem' ri hk'o' hk'awng' aw? ⁶ Daecti Eun jaen tuil' mun' na' ri e' lheu' awn' na. Kop awn' na, nang htawm Seungá na' a lah',

"Peucawo' ham'tap Eun peue hpum' lung' hpum' keuting na' ce,

daecti Eun tuil' mun' ri peue hpum' onawn' na' ce."*

⁷ Kop awn' na, sahpaw' ri ut' hk'a'ruim vang u'peung Eun Peucawo' na' reu'. Yeuh ri nhim'nhim' ham'tap seuca'

* 4:6 4:6 Leukah' rui' 3:34

rai na' reu', kaw a pucti hk'uih hk'ai' pe'. ⁸ Sat ri ing' keunam Eun Peucawo', Eun ku kaw sat ri ing' keunam mi yeut. Peue map' na' hkuc' ti' ri na' seunga' reu'. Peue hpum' heun' na' yeuh hpum' ri na' seunga' reu'. ⁹ Kuit nyhap', pet yam nyel reu'. Keunyas na' leuploh' a meuh pet yam reu', kuit sam'ran na' leuploh' a meuh kuit nyhap' reu'. ¹⁰ Tang' hpum' ri tem nanggal' Eun Peucawo' reu', kaw Eun yuk pe' huk' lung'.

Tang' map' hk'a' pang peue

¹¹ Ec'awng' na' pe', pawlaee eo' peusah' nyoe puri. A'nhaw' lawn eo' peusah' nyoe, un' lah', taws' a'mu ri ec'awng' ri ko', eun ku peusah' nyoe, taws' a'mu ka leukah' ritroe na' yeut. Mi lawn taws' a'mu ka leukah' ritroe na' ko', un' meuh mi nang hot' ri yeuh leukah' ritroe na', daecti mi meuh nang taws' a'mu ka. ¹² Cawo' tuil' leukah' ritroe na' Eun mae' Cawo' taws' a'mu ka leukah' ritroe na' kue' a ti peue koe. Eun meuh Cawo' cang teum'kawm cang htut mae' Cawo' cang yeuh ku' lu yeut. Daecti mi ri, mi ci' meuh a'nhaw', mi vae' kaw taws' a'mu ri peue ut' keunam caona' ri na' ce?

Pawlaee hpum' keuting ri hk'a' nanggal' ri

¹³ Pe' ri ngon' lah' pe' a yeuh keutit', "Seunyaen' un' lah' peunsa' un' lah', kaw ye heul' nang veng awn' a, a'ko' veng teh' a. Ye na' ut' teh' ti neum, yeuh dang ka pun nammaet ka." Ku' lah' a yeuh keutit' na' pe', leuceng a reu'. ¹⁴ Peunsa' na' a kaw yeuh sa'nhaw', a'yu pe' na' a ci' kaw yeuh sa'nhaw', hpaw pe' ca' yawng a. Gum seun' pe' putum' pucti ut' ti yam yawo a tang rai' heul' na' ko'. ¹⁵ Lheu' hk'ai' lah' pe' a yeuh keutit' na', pe' na' htuk' ri lah' a yeuhki', "A lawn cawp' alo Eun Peucawo' ko', kaw ye a'yu im' punta kaw ye yeuh kan' awn' na kan' aen' na." ¹⁶ Daecti ku' meuh pe' maet' maen' na', pe' buih mhawng'

ri hk'o'cuin. Mhawng' ri hk'o'cuin yeuhki' na' gawm'euc' ka, meuh a ku' rai. ¹⁷ Kop awn' na, a'nhaw' saec' yawng ku' chak' na' daecti eun lawn un' yeuh a ko', yeuh eun map' na'.

5

Tuil' sati ri peue meuneum na' ce

¹ Peue meuneum na' pe', leuceng a reu'. Kopti ku' tukhka na' kaw a rot hk'a pang pe' na', sae'caee' klawng ri yam reu'. ² Vahtu' hk'il' leumuil pe' na' seueum' ka. Ruiing na' teun' ka hk'ohk'eung pe' na'. ³ Leuho' na' hk'a ka hk'il' leumuil pe' na'. Leuho' awn' na meuh a sa' hki' ka ta' nha' pe' na'. A kaw hk'a keune pe' na' seun' ngawl na'. Ro pe' ri uin' vahtu' hk'il' leumuil pun seunyi tisut' na'. ⁴ Keue' reu', ngos seunyi ce peue vuic ngho' nang na pe' pe' un' tuil' a euc' na', buih klawng a ri tang' a mu ri pe'. Seng' klawng ce peue vuic ngho' na' a huk' lec yhuk' Eun Peucawo' Cawo' ti'ca keuting na' Eun hawc'. ⁵ Pun pe' ri a'yu im' munkvaen sam'ran pang bhen' keute' na'. Pe' yeuh a rot ri ku' hit' hpum' ri na'. Pe' htu ri uii' tu' ri na' kleueng' rangraen ri ko' pun seunyi kaw pun ri toh ri yeum na'. ⁶ Pe' taws' a mu toh peue un' kue' ku' kleuc' ku' un' to' tam' pe' na' ce.

Yeun' hkam

⁷ Kop awn' na ec'awng' na' pe', yeun' hkam a rot ti yam Yesu' Hkrit lih rot Eun reu'. Keue' ri peue sang' ri hk'a na' ce, ce ci' pe ko' pli' kue' ngos lih neum bhen' keute' na', mae' ce ci' pe yeun' hkam ri ko' yamla a ri lhe' na' heul' rot ti lhe' tisut' na' yeuh sa'nhaw'. ⁸ Saec' meuh pe' ri, yeun' hkam a cawng keutawn', kopti kaw a hk'aws' rot yam Yesu' Hkrit lih Eun na'. ⁹ Ec'awng' na' pe', punta kaw pe' un' pun ri hkam' hk'a taws' a mu na', pawlaee tang' map' ri puri. Keue' reu', Cawo' taws' a mu na' cawng Eun keunam leuva' na' hawc'.

¹⁰ Ec'awng' ná' pé', peue cu muis Eun Peucawó' meuh peue suip leukah' Eun ná' yam hk'eup' ce ku' tukhka ná' ce cí' yeun'hkam a yeuh sa'nhaw' ná', hot' ri yeuh a reu'.

¹¹ Seun' tup yawng pé' a, sawn' e' peue cang yeun'hkam ná' ce mun' keuting. Pé' ku' pun ri mhawng' lawng hk'a' yeun'hkam eun Yaw'ba' ná' hawc'*. Vang tisuť' ka ná', Peucawó' Eun cí' yeuh sa'nhaw' ri heun,† pé' ku' pun ri nyu a. Peucawó' kue' Eun hk'a' leumeus'keus maeé' hk'a' cang tukyak ná' htonnuk.

¹² Ec'awng' ná' pé', ku' a'ye' keuting hk'ai' ku' ceu ná' pawlaee lah' leukah' hkam'. Mao', bhen' keute' maeé' ku' seubu ná' ce pawlaee lah' leukah' hkam' a. A meuh neum ko', lah' a "meuh neum", a un' meuh ko', lah' a "un' meuh". A lawn un' yeuh keutit' ko', kaw pé' pun ri hkam' hk'a' taws' a' mu ná'.

Hk'o' mun' hk'a'naee hk'a' yum'

¹³ Hk'a'naee pé' ri, a'nhaw' lawn tukhka ko', kah eun hk'o' mun' reu'. A'nhaw' lawn ren'kawn ko', kah eun lah' seng' htawm suk'seun' Peucawó' Eun reu'. ¹⁴ Hk'a'naee pé' ri, a'nhaw' lawn sui' peuyhat ko', eun htuk' ri klawng ro'kan nang kawt muk kon' Hkrit ná' ce heul' hk'o' mun' pun ri, pok lamawn ri heun hk'a'naee muis Eun Peucawó' ná'. ¹⁵ Leukah' hk'o' mun' hk'a'naee hk'a' yum' ná', yeuh ka peue peuyhat ná' eun cuin. Peucawó' Eun yeuh eun cuin. Eun lawn kue' map' ko', Peucawó' Eun ku' ploé' a yeut. ¹⁶ Kop awn' na, punta kaw pé' pun ri bai' ri cuin ná', hk'o' pé' va puri ris map' ri ná' ri puri maeé' hk'o' mun' pun puri reu'. Leukah' hk'o' mun' ce peue leupaws seumeu' ná' kue' a tí'ca, a yeuh ku' chak' ná' pucti lih.

* 5:11 5:11 Yaw'ba' † 5:11 5:11 Vang tisuť' ka ná', kopti Yaw'ba' yeun'hkam eun nyawk', Peucawó' Eun ku' nap' mun' ri heun heun' nyawk'.

¹⁷ E'li'ya peue suip leukah' Eun Peucawo' na' eun ku meuh peue seun' e' ri yeut. Punta kaw a un' lhe' na', eun sae'caee' hk'o' mun' ri. A ku un' laee lhe' peu' bhen' keute' na' pun loe' neum pai' les chi'. ¹⁸ Yam tang hk'o' eun mun' bae na', pang ma' na' a tuil' lhe' na' lih, bhen' keute' na' a kue' pli' kue' seukuk.

¹⁹ Ec'awng' na' pe', hk'a'naee pe' ri a'nhaw' lawn kleuc' hk'a' ka hk'a' leupaws seumeu' na' heul' daecti peue ti ri peue eun lawn tang va eun ing' ko', ²⁰ yeuh ri pawn eun, a'nhaw' lawn va peue map' kleuc' hk'a' ri heul' na' eun tang hpawt' ri ing' ko', kaw eun htut eun hk'ai' hk'a' yeum na', map' heun' eun na' a kaw pun ri ploé' ri.

Plang
The New Testament in the Blang language of Myanmar

copyright © 2021 Wycliffe Bible Translators, Inc.

Language: Plang (Blang)

Contributor: Wycliffe Bible Translators, Inc.

All rights reserved.

2021-04-06

PDF generated using Haiola and XeLaTeX on 19 Oct 2021 from source files dated 14 Jul
2021

0468b0b5-acb2-59c4-92d3-4fa09a4d091c